

光緒山西通志

山川考六

考二之六

山西通志第三十六

賜進士出身頭品頂戴都察院右副都御史山西提督軍務臣張煦奉
旨監修

管涔山上

汾源東山
汾源西山

管涔山或曰管涔山汾水所源也在甯武府西南六十里山脈來自雲中翼武州句注二塞而南旁薄盤踞及數百里曰燕京曰蘆芽以東西異名也山燕京山抵天門石嶺二關而散布於滹沱側過水間者其東支也與太行連由蘆芽山跨大湖河南北而同環於保德岢嵐州境者其西支也至黃河止中餘則由西支折東直南左汾右河太汾二府以西州縣介居其間至石樓與隰州分山古稱晉主汾又云并州居兩谷間故謂太行爲東山而西山則以管涔爲大宗云

水經汾水出太原汾陽縣北管涔山注山海經曰北次二
經之首在河之東其首枕汾曰管涔之山其上無木而下
多玉汾水出焉西流注於河十三州志曰出武州之燕京
山亦管涔之異名也其山重阜脩巖有草無木泉源導於
南麓之下蓋稚水蒙流耳又西南夾岸連山聯峰接勢

寰宇記管涔山在靜樂縣北一百三十里一名管涔山土

人云其山多菅草或以爲名又云甯化軍本嵐州之故軍

汾河上源雪山蓋稱尖山並在軍界軍境東至忻州從合

縣六十里北至契丹界橫嶺六十里自嶺至朔州一百里

東南至天門關二百四十里西南至尚嵐軍一百五十里

明史地理志陽曲西北有天門關巡檢司東北有石嶺關
巡檢司

甯武府志管涔山一名燕京山在甯武縣西南六十里

蘆芽山在縣西南九十里甯化所

靜樂舊志蘆芽一山崔巍特拔高出雲霄磅礴盤踞可數百里而遶甯武朔州處北麓忻州崞縣處東麓岢嵐五寨處西麓嵐縣靜樂處南麓而山之左與盤道梁諸山襟帶相聯

汾源以東之山起燕京山其連麓而迤北者曰林溪山與樓子山並源所導也南至甯武之甯化司與天池水合天池在燕京之巔亦桑乾水所潛源者是有分水嶺嶺之南曰尚真山又南入靜樂縣曰萬華山介乎萬華者西曰兩嶺在靜樂東界東曰大嶺在忻州西北界

元和郡縣志天池在靜樂縣北燕京山上周迴八里陽旱不耗陰霖不溢故老言嘗有人乘車風飄墮池有人獲車

輪於桑乾泉後魏孝文帝以金珠穿魚七頭放此池後亦於桑乾得之隋煬帝嘗於池南置宮每夜風雨吹破竟不成今池側有祠謂之天池祠

方輿紀要天池在管涔山北原上卽汾水之源也北人謂天爲祁連亦謂之祁連泊元魏孝文屢遊畋於此高歡亦嘗遊焉北齊天保九年白鄴如晉陽至祁連池皇建初自將伐庫莫奚至天池庫莫奚聞之出長城北遁武平初亦嘗獵於天池池東更有一池清徹與天池相似二池通流池西有溝名老馬溝

舊通志天池在甯武縣西南三十里

府志作四十里 繇甯化所

北中山寺出峽合流汾河宋韓琦知并州遂占天池廟地琦召其酋豪以曩所求修廟徹正之元池在縣南二

十里府志在天池東七里山麓天池山麓元池號雌雄海唐貞元

十五年管樓煩天池元池牧監各一設使領牧馬下有

錢案此三縣並屬憲州在今靜樂縣樓煩鎮左右寰宇記憲州北至靜樂縣界二十里可證也以二池當之

琴丹

甯武府志林溪山在蘆芽山後五寨縣界山下有泉名

龍眼泉爲汾河別源樓子山管涔諸峰之一也西山間

有神祠祠下汾水源所出有古刻云汾源靈沼歲月不

可考樓子山下爲支訶石山有支訶小水流入汾清真

山府西五十里山巔有泉下垂號曰水簾中有清真卷

最爲勝境

靜樂縣志萬華山在縣東北百三十里汾水東高五里

盤踞四十里管涔右支也東至忻州北至堂子村西北

至甯武山而南巖下有無梁殿兩嶺山在縣東六十五里蓋以四十里乃管涔山東北支轉南折北之兩脊也兩山相對

忻州志大嶺山在州西北百里北連崞縣黃鬼山西界靜樂一名家寶山又名大小嶺山產黃芩茯苓魏安同

欲修大嶺道以通天門關者

案鐵門關亦曰天門安同傳言同出井陘至鉅鹿發

衆戶三人欲修大嶺云似大嶺乃徑嶺不當在此

其在兩嶺直北而近接萬華者曰中宇山礪水所源也西逕靜樂縣城以達於汾曰雕胡山曰屹槎山曰黃茶山曰馬頭山並在縣北曰岑峰則縣城所倚也曰懸鐘山曰桃子山曰四棧山曰娘娘山並在縣東曰天柱山則縣城所直也汾水逕縣城而南過石硤爲東流之始有泉出峽與礪水並稱溫

溪砍之左曰羅漢山曰悶雷山皆兩嶺之支分也

水經注汾水又南與東西溫溪合水出左右近溪聲流異
注水上雜樹交蔭雲出煙接自是水流潭漲波裏轉泛

方輿紀要岑峰山在靜樂縣東城跨其上城南三里有天
柱山以後魏天柱將軍爾朱榮嘗經此而名屹槎山在縣
東北六十里北接雕胡山西通磨官谷谷中有磨川水亦
流注於汾雕胡山在縣東北八十里從磨官谷入稱爲險
隘

靜樂縣志中字山在縣東北百二十里山面西南絕頂
形似巾字山巖布石如雲滴水如雨名巾巖巖雨下有
泉一泓晴雨多應宋宣和中建祠封顯應侯

破河發源於山氣溫
大谷合懸鐘山馬寨水經頗黃菜山在縣東北八十里

頗黃至縣城南半里入於汾

山川志

四

連甯武界亦管涔東出繞南者古洞在縣東北百三十

里黃松溝西

溝在寧縣西

半巖有洞一巨二小洞門石

松石梁石椽天剗神鑊牀竈胥備迤東有石泓馬頭山

在縣北五十里汾水東萬華出枝繞西者有後魏孝文

帝廟金天會中建陽光洞在縣北山麓宋杜詩亮有記

靈巖山在縣東十五里由巾字山來而至東川之北山

靈南三四峰聳秀如列笏下有溫泉卽碾水也懸鐘山

在縣東七十里從巾字山來形似鐘頂上有石寨名馬

寨石峽山在縣南六十里兩山對峙汾水穿流其左由

兩嶺來其右由鹿徑南至赤堅嶺繞來峽中多泉匯流

二十里入汾水胥溫不冰桃子山在縣東五十里由兩

嶺來有泉一泓禱雨多應宋學甯問賜號靈濟之神加

封昭潤公宣和初建祠四棱山在縣東二十五里由兩嶺盤曲而至東川之南山北懸崖上有雕兒崖石洞有烏道跋山一里上石磴數丈乃入洞閭雷山在縣東南六十里由兩嶺來土人傳時聞雷起云羅漢山在縣東南七十里由兩嶺來高聳入雲中有洞乳石特奇

兩嶺山故關也東出爲忻州之新開嶺南出爲交城之羊腸寨而東南抵陽曲之乾燭谷卽天門關矣其左有埽谷其水南流入關其右有列石谷爲汾水出山之口

唐書地理志陽曲有天門關

通典陽曲有乾燭谷卽羊腸坂

方輿紀要天門關在太原府西北六十里路通舊嵐管州其東北崖隋煬帝爲晉王時所開名楊廣道宋靖康初金

人國太原朔州守臣孫翊將兵赴援由甯化憲州出天門
關敗沒時府州帥折可求亦統麟府之師三萬涉大河由
崑崙塞赴援將出天門金據關拒之不能克復越山取
道松子嶺至交城爲金所敗

舊志志兩崖關有土城明初調太原左衛官軍又置巡
檢司乾癩谷卽天門關也東北有楊廣道營蘇隋大業
中自并州幸汾陽宮特開此道埽谷在陽曲縣西北一
百十里有埽谷水南流出天門谷入汾周家山在埽石
村西五里汾水經其下列石谷在縣西北四十里有寶
鳴嶺廟谷口巖穹百重如斷如削汾河由口出祠西數
泉泠泠可愛名寒泉羊腸寨在交城縣東北一百二十
里羊腸山

陽曲縣志汾水西條之山在汾東北者自甯化管涔而

下由靜樂縣天柱山交城縣早霜山入邑界歷水頭梁

青崖懷

並在縣西九十里

埽谷峪朝陽山

縣西北八十里又有九峰山俗呼九鳳山

深水崖官山

縣西北五十五里相近有五梯崖又名七佛山路小而險下臨汾水前後斧柯崖積

還山松蓋山

海心山均距縣六十里相毗連海心山上有寺明季民避兵於此

小店鎮凌井子

山在凌井溝道甚險峻在縣西北六十里

天門至烈石而汾水出焉

其在大嶺山之東者曰雲中山山口卽蘆板砦也與崞縣界

爲雁門西隘之一山之陽雲中水出焉其陰忻川水所經也

合流運金山入忻州界迤西有庵羅山獨擔山與大嶺連麓

而南爲州之西山又南至白馬山牧馬水出其陰西通靜樂

之東川而南與陽曲界其岡阜之突起於平原者曰九龍岡

州所治曰兩截山曰鐘乳山在州北

魏書地形志秀容有金山神肆盧有大羅山

隋書地理志秀容有程侯山

寰宇記雲中城在醇縣西一百里卽管涔之異名也

方輿紀要

雲中城東魏時僑置恆州尋廢後爲蘆板寨城南至忻口二十里案東魏恆州寄治秀容郡城雲州寄治并州界雲中郡屬雲州其僑治之所在今神縣醇縣之城當是曹魏新興郡所領之雲中縣也山因之得名寰宇記謂城爲管涔之異名其語不辭肆盧水今名雲中水一名分嶺水忻城當是山字之訛

川水在秀容縣東三十二里

案水出岢嵐縣界在忻州北六十里俗名沙河雲中水今改

道由金山北與合流此似指州西北五十里故秀容縣而言

水經注云滹沱南懸忻川

口俯會忻川水水西出管涔東山也程侯山一名金山在

縣北三十五里水經注云忻川東懸程侯山北山甚層銳

其下舊有採金處俗謂之金山雲母山一名獨擔山

州志北俗

謂雲母爲土丹雘爲在縣西一十五里其山出雲母山上

有穴四入五里出玉芝唐貞觀十八年敕賜薛遵度採雲
母玉芝於此山大白馬山在縣西南四十五里蓮小白馬
山

方輿紀要九原山在州城西漢末以此名縣今州城跨岡
上三面俱臨平曠亦曰九龍岡大嶺山在雲中山西二十
里忻口寨在州北五十里忻口山上牛尾莊寨在白馬山
西路通靜樂縣

忻州志雙尖山在州西北八十里雲中河源此一名岱
嶽殿山陀羅山在州西北五十五里怪石浚空懸崖欲
墜有文殊足迹又有清涼石香鑪石滴水巖青龍池元
好問有詩案常卽地形志大釋山土人謂大青近陀也龍門山在州西北五
十里連陀羅山一名白雲山浮屠山在州西北四十五

里與龍池梁石佛嶠連西南有白龍頭南有大溝泉北
有一滴泉落霧山在州西六十里一名羅霧馬鞍山清
水山並與連五峰山在州西七十里石峰屹立如指臂
絕險石姑山在州西二十五里相傳石氏處女修浮屠
法寂於此上建廟陰山在州西南四十里夏月凝冰積
雪三崑山在州西南五十里山麓有香泉寺白馬山在
州西南六十里北連大嶺山西南界靜樂山峰羣立牧
馬河源此兩截山在州西北二十里烏雲分級龍首峰
在州西北二十里前有龍池鏡乳山在州西北四十里
兩阜對峙一名雙乳山

白馬山之陽在陽曲界者曰赤塘谷其西曰直谷有亭子山
又西卽天門關也其東曰葉羅山石嶺關在焉管涔東山結

東於此爲太原北出之隘

唐書地理志陽曲有赤塘關

方輿紀要石嶺關在府東北百二十里

陽曲志作百里

路通忻州

甚險固唐武德三年突厥窺晉陽自石嶺以北皆留兵戍之八年命姜行本斷石嶺道以備突厥既又命張瑾屯於此長安二年突厥破石嶺寇并州宋開寶二年車駕至太原契丹來擾何繼筠屯陽曲驛契丹攻石嶺關繼筠敗卻之太平興國二年太宗圍太原命郭進爲石嶺關都部署以斷契丹之援元至正二十年命孛羅帖木兒守石嶺關以北察罕帖木兒守石嶺關以南時孛羅駐大同欲爭晉冀也二十三年孛羅以察罕旣卒復爭晉冀引兵至石嶺關擴廓帖木兒大破之孛羅由是不振杜佑曰忻州定襄

縣有石嶺關甚險固定襄本陽曲地也

襄字記與通典同案定襄本漢陽曲

地唐則各別爲縣不當混爲一今關下之關城仍屬忻州也

舊通志真谷水源出城北七十里一作直谷亭子山在

縣西北五十里

陽曲縣志在直峪去城七十里下有桃花三洞五代白

翎嘗讀書於此藥羅山在縣北九十里山勢雲葉杈牙

如藥始芳鱗鱗如羅紋壘

縣志名臥虎山

陽曲縣志汾水北條之山出三交城而上深溝大壑巨

阜崇岡逐步漸峻至石嶺關赤塘關浚井口天門關而

其嶺斜互與東西兩山連接如天塹然

右汾源東山在甯武靜樂忻州陽曲境者

其餘支白石嶺關迤而北爲淳沱水南之山曰繫舟山曰廣

吟山曰七峰山在忻州東曰虎頭山曰七巖山曰五石山曰

定襄山曰關門山在定襄東而東北歷五臺縣南之文山抵
盂縣之烏河川口而止曰神山曰聖阜曰牛臺曰東潭曰西
潭悉滹沱南岸之岡阜也

魏晉地形志定襄有五石神關門山聖人祠

寰宇記繫舟山堯時洪水繫舟於此在秀容縣南四十里
聖阜今名聖人山在定襄縣東北二十里又云水經注滹
沱水東流經聖人阜阜下有泉泉側石有十二手迹其西
復有二腳迹甚大莫窮所自在五臺縣西南四十八里
方輿紀要叢叢山在定襄縣南二十五里山甚高峻山下
有泉三穴流合爲一曰三會水七巖山在縣東南十五里
其巖有七故名又東南十里爲居士山有居士臺臺上有
浮圖七級

忻州志靈山記五臺山有四埵各去臺百二十里繫舟
山爲南埵上有銅環鐵軸昔帝堯過水繫舟於此土人
謂禹治水繫舟有石如環軸曰繫舟鬼一名小五臺下
有薛靈谷金元德明隱誦東巖趙秉文改曰讀書山元
好問赤石谷詩南臺說有金銀氣可是并汾處士星注
繫舟山僧徒謂之小五臺九月中時有景星如佛光云
又白雲洞在山東南以鳳臺廣峪山在州東南二十五
連山連突以形似名在山後
里內有石崖廣三丈祀廣堂神卽尹鐸也下有泉禱雨
多應七峰山在州東二十五里廣峪之東有七峰土人
名竿架山上有龍王寨絕險又州東南有石梯山胡障
崖

定襄舊志虎頭山在縣西南三十五里以形名

忻州志
在州東

北二十五里又州西北六十里
有山亦以虎頭名兩山對峙 紅泉山縣西南三十里

山洞石紅類硃砂泉源不絕琵琶山紅沙山武峪山並

縣東南十五里窰頭山產石炭上有羊腸延團城山連

七巖山有古城遺迹並縣東南二十五里五石峪山雲

合致雨案地形志五石神似卽此五子谷山峰巒高峻並縣東二十

里八峰尖山連琵琶山一山八峰熊兒水山山故乏水

一日熊入山水湧出故名並縣東南三十里暖窰山縣

東南四十里山氣常暖十八盤山縣東三十里牛臺山

縣東北三十里元李子敬避地居此人號李牛臺五公

山縣東北四十里相傳有五仙鍊丹於此紫石山縣東

北三十五里接五臺界青石山縣東北四十里連紫石

山神山縣東北十五里平地壘石突兀如盤金元好問

營讀書於此因號遺山有一邱一壑真堪老且向神山
煙景休之句上有古寺霜檜鐵壁迴絕塵俗

五臺新志段畝山

定襄志作段木山

又名文山在縣西南三十

五里滹沱南岸山極高大產硯石有青紫綠三色紫者
爲多簡子山與段畝山連俗傳趙簡子嘗行獵於此山
不甚高產卷柏饑歲人采之雜糠秕屑麩而食東潭山
平地突出小山山下有潭西潭山在段畝山北三里許
與東潭山東西斜對圓突如冢逼入滹沱土人稱爲避
水珠

自石嶺關迤而東歷繁舟南麓得洛陰水源其南接孟縣之
兩嶺山又南則烏河川所導也方山在焉爲洞過水北諸山
之宗其西出者曰罕山亦曰牢山坡陀相屬盤回於洛陰水

南爲陽曲東山至榆次北止有烏金紅沙老鴉犍牛大方中
林諸名其餘支也南出者環壽陽境有壽水流徑縣城南入
洞過曰雙鳳山曰尖山在城北曰燕巖曰殺熊巖在城西東
抵芹泉嶺山鴉鳴谷南循洞過之源與太行連麓爲汾川東
山太原之左臂也

水經注汾水出山東南流洛陰水注之水出新興郡西流

逕洛陰城北

地形志作羅陰

又西逕孟縣故城南又西徑狼孟故

城南左右夾澗幽深南面大壑俗謂之狼馬澗

隋書地理志壽陽有燕巖

元和志方山在壽陽縣北四十里陽曲縣東六十里

案唐陽曲

在今縣北三十里洛陰牛山一名君山在太原縣東北四

十五里後魏書曰劉聰遣子衆襲晉陽猗盧救之遂獵牛

山陳閱皮肉山爲之赤其山出金鉞

金史地理志陽曲有罕山

方輿紀要壽水在壽陽縣南二里方山一名神福山或以

爲壽陽山晉永嘉六年拓跋猗盧引兵救劉琨復晉陽因

大獵壽陽山北史作牢山郡縣志牢山在晉陽東北四十

五里或曰今陽曲罕山之譌也

案地形志中都有早山後魏中都縣在今榆次東十

里是早山卽罕山與元和志所云一

名看山並同聲字則牢山實譌文也雙鳳山在縣北三十

里兩峰狀若伏鳳山之東有剝水泉尖山縣北十五里山

岡秀迥出羣山又神武村亦在縣北十五里有神山殺熊

嶺縣西六十里接榆次縣界宋靖康元年种師中自眞定

趨援太原抵壽陽之石硖爲金將完顏活女所襲五戰三

勝回趨榆次至殺熊嶺去太原百里敗死鴉兒谷縣東南

三十里東北去孟縣一百二十里亦曰鴉鳴谷唐乾符五年昭義帥李筠與沙陀賊於甘嵐之沙谷敗死兵遺至代州士卒剽掠州民殺之殆盡餘衆自鴉鳴谷走歸上黨石晉天福九年契丹入犯南至黎陽別遣兵入雁門寇太原劉智遠敗之於秀容乃自鴉鳴谷遁去圖經谷徑深遠背有迷谷中者見鴉飛鳴得路因名芹泉山在縣東二十里泉源有二出南山鴉兒谷曰南芹出北山太平谷曰北芹二泉東入平定州界

卽縣夏水上源也

孟縣志兩嶺山縣西百二十里山勢蜿蜒如壘爲陽曲孟邑兩縣界烏河同源發於陽曲張黃寨距兩嶺山十五里至幞頭山與葶沓會濱河爲西煙川孟多山獨此平坦綿亙數十里

陽曲縣志織筭山在縣東北九十里繫舟山之陽一名
鳳凰山翠峰羅列金元好問詠織筭山詩云繫舟南北
暮雲平落日滹沱一繞明梁鴻山在織筭西上有天神
石洞村人恆禱雨於此分水嶺在縣東北一百二十里
卽繫舟山之正龍過峽處前人峰北其水東入滹沱西
爲陽典河卽洛陰水之上源其北有五鳳山與孟縣定襄連界又有卧龍山去縣北百三十里襄龍山百四十里三級山百五十里牛頭山百六十里龍泉山龍泉山在縣東北八十里南連罕龍北接繫舟周圍四十餘里
東南俱界壽陽十里西至陽漢桐山在縣東北六十里
船廷十里北至飯尖山十里
李家山在縣東二十五里六龍山在滹馬岡後通志城東迤城
山差迺秀一名縹雲山南有神清觀東五里有窩頭山
旱壘嶂岡前溪水如帶南入於汾

榆次縣志罕山在縣北五十里東北接壽陽境冀家山罕山左翼也西南五里爲烏金山去縣四十里林木叢蔚上建水晶院有龍池冬不冰夏不涸紅沙山在烏金山東南七里一名大猗峭壁巉巖沙石多紅有正壽寺四圍栝柏其旁清泉澗出陰山在罕山少西南形勢險峻上有深洞土寨羅列爲先年屯兵之所其東爲先鋒山亦有壁壘遺址犍牛山在陰山西老鴉山在犍牛山西怪石峻峭峰巒陡峻大方山在老鴉山西南五里高數十仞四角隆起少西南爲小方山中林山在大方山西去縣三十五里中拼翠峰松柏鬱茂四時浮青攢翠卧虎山李克用與振武軍將戰退處也在中林東萃珠山形峭而勢積在中林西侵頭山海螺山在大峪口

清木

河出山兔兒山在卧虎山東南二里五太山在河口
下經谷口
村西北二里有五龍河小五臺山在縣東北二十餘
里蘆山寺憑之有九躍龍池又王胡嶺去縣不十里志以爲殺熊嶺紫巖
山距縣六十里接壽陽境俗稱長者頭相傳李通元著
華嚴經論於此中有華嚴寺其山松柏叢生蒜峪芹峪
二水俱出其下

壽陽縣志方山在縣東北四十里其北與盂縣接壤頂
有池周可數百步山下有黃龍泉山前有黑龍泉又有
金剛泉出雲松巖甘冽爲縣中諸泉第一陽摩洞在縣
北六十里其深莫測土人云與盂縣山谷相通內有風
聲一名風洞石門在縣北二十五里石壁對峙如門中
通流水東北諸山澗之總峽也素石門與尖山並東魏
儒道之縣屬神武湖山

因之封侯嶺在縣北十五里石巖山在縣正北八里喬
得名封侯嶺在縣北十五里石巖山在縣正北八里喬
松怪石參差如畫巖壁有古洞下則流水三曲環帶左
右御略嶺在縣北十五里一名泉山有泉曰清涼黃嶺
在縣西北五十里嶺有黃沙湧泉山亦在縣西北五十
里東有狐妖洞燕巖山在縣西三十里山堂肆考云壽
陽西山多螿雁因以名山是也五峰山胡公坡舊名東
王坡
立峰在太並縣西五十里紫巖山縣西八十里接榆次
境罕山縣西九十里接陽曲境其西南接榆次境要羅
山縣西南七十里壽水出焉東北流與黑水合水經注
洞過水又西北黑水西出山三源合舍同歸一川東流
南屈徑受陽縣故城東其水又西南入洞過水建公穴
在縣西南五十里石穴大可三四畝產蛇療疥疾羊頭

崖在縣南三十里崖下有冰厯暑不消虎頭崖在縣南
二里許

謹案石嶺南北川原曠衍迤東諸山或云來自五臺
或云來自太行方志多蔽於所近惟壽陽志謂自甯
武乘以水道核之確不可易故並以屬之汾源東山
右管涔東山餘支在忻州定襄陽曲榆次壽陽境
者

汾源以西之山起蘆芽山在五寨縣南六十里山之左有泉
流入汾亦汾之一源也山最高峻爲并晉諸山之冠其北曰
雪山有彌漣池大澗河所源卽彌澤也南曰荷葉平爲岢嵐
山有乏馬嶺嵐漪水所源也又南曰黃尖山蔚汾水所源也
並爲汾西長川汾水自源西南行過靜樂至石峽山始轉而

東流故濱岸諸山其脈皆逆折而西直達大河介乎大洞水者爲神池五寨偏關河曲保德之山介乎嵐漪水者爲岢嵐興縣之山介乎蔚汾水者爲嵐縣及興縣南川之山

元和志岢嵐山在宜芳縣北九十八里高二千餘丈西北與雪山相接

寰宇記岢嵐山在嵐谷縣東二里雪山在縣東北四十里高三十里長六十里嵐朔二州分界岢嵐河在縣東從嵐州宜芳縣走馬嶺流出去縣四十里西入合河縣界

案嵐谷今岢嵐州宜芳今嵐縣合河今興縣走馬嶺當作乏馬合河圖經云蔚汾水與黃河合故曰合河在縣城下

明史地理志岢嵐州北有岢嵐山其東爲雪山西南有嵐漪河北有蔚汾水下流俱入大河

案蔚汾水不經州境在州北者大洞河也大洞

水道記作六澗云有六源嵐縣西南有黃尖山蔚汾水
故名六澗而地志皆作大澗所出

明一統志蘆芽山在岢嵐州東北七十里尖如竹萌多生
蘆草故名荷葉坪在州東北六十里頂平而圓狀類荷葉
方輿紀要彌澤在朔州西南後魏孝文帝太和九年如彌
澤登牛頭山通鑑注在馬邑南

舊通志蘆芽山在五寨縣南六十里

甯武西南九十里

汾水之

西盤踞六十餘里高二十里西連岢嵐東近甯武南接
靜樂北倚五寨爲全晉崇山第一峰巒聳秀形似僧髻
盧冠下有汾水源前有羣山森列似荻芽名小蘆芽上
有金龍池五龍洞秀峰嶺紫峰巖鳳凰嶺東火場西火
場大天澗小天澗東身匣九梳梯捨身巖華嚴寺金佛

堂太子殿符稱名勝五臺三千九百丈其名也蘆芽三千丈其實也舊志稱琳宮鐵塔閣黎千衆招提萬間亦足抗衡古清涼矣宋潘閔有詩今山北有道遙臺乃閔自號也又看花臺北岬臺北嶽臺名蘆芽三臺看花上茲鞋插殿駭綠採紅北嶽四周曠突起石邱秀轟雲表上有北嶽廟又有石拱上構危樓萬佛石洞明釋佛登塔聖萬佛石洞神工具備萬山前荷葉坪山後有林溪山石有神林山最上一峰突入雲漢五月飛霜千載疑冰嶺有滿蓮池一名金蓮池水深丈餘廣十丈采傳秀容界有池三所在高山之上清深不測相傳朱榮池魏言天池也父新興會與柔遊池上忽聞籟鼓之音新興謂榮曰故老相傳凡聞此聲皆至公輔吾今年已衰作當爲汝耳天池隸清武傳言池三所則首彌迷次燕京二池矣東雪山在縣東南十五里蘆芽支峰高八里盤踞七里山下雙泉湧出色殊黃黑有馬家寺古塔西雪

山在縣西南二十五里高十里西南連荷葉坪山勢崇峻暑月近寒舊有蘆芽香火院荷葉坪山在縣西南六十里北麓在縣南二十里高千丈盤踞八十里西連崑崙諸山南連甯化諸山東連蘆芽北連雪山清澗河發源蘆芽山下西北流經縣城南又北流經三岔堡又西流入保德州境匯於黃河

案與澗連池異源合流

謹案漢書地理志汾陽縣北山汾水所出郭璞山海

經注在故汾陽縣北秀容山

元和志畧州之宜芳靜樂合河崖谷並漢汾陽

縣地

蘆芽爲全晉第一崇山河東諸山皆發脈於此

而其名顧不見於歷代地志僅寰宇記甯化軍下有雪山蘆衙尖山並在軍境語書芽爲衙蓋地在遼東故不得其詳也茲以所載崑崙諸山方向道里核之

似所云岢嵐山卽今荷葉坪所云雪山乃今之蘆芽山也而前人則統於管涔云汾陽北山秀容山隨地名耳方志旣以雪山當蘆芽乃舉其北二小山目爲

東西雪山舊通志又傳合爲水經注之大峪山遼史

之太古牢山尤爲懸遠

寄武府志已疑之案水經注本作大峪真山中陵川水所

出中陵今平魯縣

大澗水南北二源一爲山之彌連池一爲

神池之達沐河合流西行二百里至保德天橋峽入

河當卽水經注所云河水左合一水出善無縣故城

西南八十里西流懸於呂梁之山而爲呂梁洪者據

魏書太祖紀劉顯自善無走馬邑帝親討顯追至彌

澤大破之高祖紀行幸彌澤登牛頭山彌澤近馬邑

似卽大澗河牛頭山近彌澤似卽蘆芽山惟道元謂

水出善無故城西南八十里爲不合今以注文核之

善無故城在今右玉縣城南七十五里爲中陵縣中

陵川水所源今兔毛河也

北至右玉縣城西南百五

城西南百五

十里爲武州縣大羅水所

道今關河也

西至偏關之

此水入河又在其南是道元所指必今達沐河出神

池利民堡者東北距右玉約二百里則注文所云八

十里者乃百八十里寫者誤脫百字耳利民堡俗稱

薜麥川者東通朔州大川北臨武州故城

在偏關東九十里老

營堡地勢大半坡陀故自內邊以南山脈皆自蘆芽

分支關河以北諸山則別屬武州山云

其在大澗河源之東者曰虎頭山曰高喬山曰石門山在甯

武境曰洪佛山曰虎北山曰棋山曰橫山曰五連山曰黃花

嶺曰溫嶺在神池境皆南和汾源東臨澤川與句注山界

舊道志虎頭山在甯武縣西七十五里嶄巖險峻人不

能陟六月常有積雪喬高山在縣西六十里蘆芽之支

石門山在縣西五十里

仙人洞在縣西三十里遷高七
里盤踞十五里有大石門小石

門懸巖香籃峰炎延
拱峙環山多香草

神池縣志洪佛山在縣西南六十里蘆芽之支也上有

石廟若有神蛾見輒雨虎北山在縣西南四十里

府志甯化

城西北四十里有虎北山峭壁連
天洞幽林茂有紫峰濟水二洞

旗山在縣西南三十

里五連山在縣西十里由縣城迤西屢起屢伏黃華嶺

在縣南十三里一名摩天嶺高齊之世所謂達達嶺也

中峰高四十丈周蟠七十餘里上有長城舊迹云其東

南縣界甯武西北踰乎神池者過三十里焉

甯武甯武
六十三里

達沐河出縣北利民堡南辛寨村山麓西南流入五寨

三岔堡凡九十里與五寨南山水合

又舊通志縣北二十五里有喜雀山

與馬邑界縣西二十里有鳳凰山連橫山西六十里有馬蹄山接五寨界縣東北五里有大小溫嶺

石汾源以西迤北諸山在甯武神池境者

東西雪山之間爲五寨之南山循彌連水而北踰大澗曰轆轤窰在神池界曰大蟲嶺曰南北長嶺曰龍座山曰龍霧山在偏關界迤西曰石城山曰赤崖曰火山曰鐵裏門山並在河曲界西盡河岸而北與武州山以關河爲限

舊通志東雪山在五寨縣東南十五里蘆芽支峰也高

八里盤踞七里山下雙泉湧出色殊黃黑有馬家寺古

塔西雪山在縣西南二十五里高十里西南連荷葉坪

山勢崇峻暑月返寒舊有蘆芽香火院南山在縣南五

里有清遠河

卽潯蓮池之近源大澗河也府志出縣東南六十里北流逕縣東又六十里至三岔

堡其達

沐河合西入河曲

上有長城梁

在縣南三十里峰臺梁

在縣北

環抱斷續形似水波曲漾東抵甯武雁門二關

爲縣南屏北越縣境爲神池之虎北山旗山又東爲黃

花嶺諸山又縣東南有殿坪山神武川水經其下

神武川水爲

清遠河支流

案府志關

甯武府志轆轤窰山在神池縣西七十里中有洞洞口

懸轆轤登山者挽而上洞方廣一畝或云可容萬人也

大蟲嶺在偏關縣東百里奇峰峭立巖壑幽邃昔多茂

林南北長嶺在縣東北三十里周四十里龍霸山在縣

南四十里高七里盤踞十五里黼座山在縣東南二十

五里

又縣東南四十里有蒿溝山東十五里

關河在縣北

里有鐵駝壘沙中藏錢如卽虎形

一百一十里源出朔州界流經偏頭關西北入黃河詳

武州

山

河曲縣志石城佛洞在縣東北五十里路極險過獨木

橋有洞在懸崖深廣十丈佛像天然生就像後有穴不

測近口颺颺然風氣吹人香山在縣東北二十里山形

靜秀春泉出焉每逢立春日泉必溢上有新舊二寺火

山在舊城西五里卽宋建火山軍處案袁宇記火山軍

在軍東四十里又云府州東過河至火山山在嵐州火山下山

軍四十里似火山及軍城皆不在舊縣山通黃河巖

石俱赤煙氣灼人巖有石罅以薪投之轟然燄出赤崖

在縣東南二十七里卽河會村土色俱赤有窟嘗數十

險更可以避兵上俱蛤蚌腐甲蓋呂梁未鑿時河出山

頂此其遺蹟鐵裹門在縣東南五里四面崇山臨河有

小徑幽折而入漁艇往來中棲數家柳杏環繞盤泉潺然其下又縣東南六十里有黃魏梁高比翠峰可瞭數百里外東北三十里有鐵斛堰鎮鐵一塊大如碾輪重莫能舉舊縣城西五里有石洞深廣可容千人

荷葉坪之南爲崑嵐山州名所山也嵐漪水經其南其山連峰接麗盤回州境受其通稱曰長城山曰天馬山濱城之支阜也由荷葉坪迤北歷旌竿山抵石佛泉與河曲界由嵐漪水直西歷豹峪口抵蒼水山與保德州界

元和志後魏置嵐州因州西崑嵐山爲名也嵐谷縣南至州九十里隋置崑嵐鎮歷草城川路唐長安三年於此置縣因嵐谷爲名

舊通志崑嵐山卽管涔山蘆芽山也在州北百里山之

陽名管岑甯武縣界其北隸州境者高六里盤縣二十

九里為州南山西南連乏馬嶺山有七峰土人胥名南

山山之陰名蘆芽五寨縣界其南隸州境者高八里盤

踞三十五里為州北山西北連霸王山在州西北七十里懸崖

陡洞一綫羊腸有十一峰土人胥名北山通考嵐谷有

奇嵐山雪山奇嵐水案即嵐水荷葉坪在州東北六十里

接甯化五寨界山有九峰表互靜樂嵐縣諸山土人名

東山雲山在州東北四十里舊志即嵐谷故縣也雪山

在嵐谷廢縣東北四十里荷葉坪與奇嵐山相接長城

山在州東三里案寰宇記古長城從東北朔州界入嵐谷界六十里北通西九十里入嵐州冷

河界山蓋天馬山在州北一里旂竿山在州西北七

十里西豹峪在州西

保德州志蒼水山在州東南一百二十里奇嵐界

河曲縣志石佛河在縣東南一百七十里接奇嵐長流

溝

其在河曲保德界者曰翠峰山北有沙泉與石佛河合下流
通朱家川保德之東川也又北爲大澗水河曲之南川也澗
東之山漫衍多坡陀其西則嶺溪互盤直抵天橋峽曰壺盧
山曰望羊山曰尖山曰鐘鼓山在河曲境曰窩弓山曰鷹窩
山曰馬頭山曰逍遙山曰石梯山曰飛龍山在保德州境

水經注河水左合一水出善無縣故城西南八十里其水
西流懸於呂梁之山而爲呂梁洪其山巖層岫衍稠曲崖
深巨石崇竦壁立千仞河流激盪濤湧波裏雷奔電洩震
天動地昔呂梁未闢龍門未鑿河出孟門之上蓋大禹所

關以通河也司馬彪曰呂梁在離石縣西今於縣歷山尋
河並無邊阻至是乃爲河之巨險卽呂梁矣在離石北以
東可二百餘里也舊通志引此文
謂河水爲橋水

舊通志天橋峽在保德州東北三十五里道元紀里惟
峽可當之雖指不敢定殆味壁立千仞之爲形擬辭也
又謂平魯西有呂梁山亦未覈閱百詩謂天橋去離石
四百餘里此又忘古離石山當由今臨縣赤堅嶺北計
里不當由永甯州估計里也

河曲縣志大澗河源出朔州經舊縣城南西流七里入
黃河沙泉河在縣南一百三十里源出鎮西衛經縣界
由保德入黃河天橋峽在縣南九十五里距舊縣城兩
三十里岸壁立東西上闊六丈冬月積冰蜿蜒如橋翠峰山在

縣南一百五十里高二十里縣互六十里形如覆斗松
柏蒼然翠峰拱峙爲邑之鎮壺盧山在縣東南一百六
十里望羊山在縣東南一百三十里又杜家山東南百
里南百尖山在縣南一百里鐘鼓山在舊縣城南百步形
如鐘鼓名鐘山鼓山大澗水出其下有噌吰聲

保德州志朱家川在州東六十里發源雷化山南過州

下流磧山花岡村入黃河翠屏山在州東八十里爲州

鎮山窩弓山下有龍潭石厓山在鷹窩嶺下峭崖峻壁

遂如削出兩勢相闕呀然成谷疊石爲岸跨岸爲橋並

在州東六十里又帽山亦距州六十里山半有石洞容千人馬頭山在州東

二十里逍遙山出鐵器石梯山上有墩堡溫泉徑山側

至峽口入河並在州東北二十里飛龍山在州東北十

里蓮花山在州南一里自高地稜五十餘里至下流磧復起分五支東為東廓山西為西廓山胥臨黃河中三支入城

嵐漪水之北東與岢嵐山接者為保德南川之山峻嶺危峰橫互百里土人隨地命名其著者曰赤山曰土門山曰堂子山曰獅子山曰麥子山曰伊山曰神山曰禪師崖棧曰黑石崖棧

舊通志環保德皆山在東南者自河曲界高地稜及岢嵐界岢嵐山發脈在西南者亦自岢嵐山來逶迤相屬隨地異名

保德州志赤山在州東南八十里山多楓霜後山盡赤土門山亦在東南八十里堂子山州東南六十里崖半

有石洞可避兵麥子山州南七十里亦有石洞

與赤山土門並

載一統志獅子山州東南二十里下流磧伊山州南一百里

神山州南八十里

入樓溝水經此入河產石燕

禪師崖棧在州西南

六十里崖半有石洞黑石窟棧州西南七十里有石窟深不可測有入者行二三里聞水聲不敢進洞外石徑

上聳蒼崖下臨黃河長二十里又龍池在州南五十里

石澗中周圍十餘丈禱雨輒應臥龍池州南四十里有

石窟蛟龍潛焉水色常清號風溝州西南六十里有石

窠雖當盛夏常出涼風舊志州東南諸山有桑林山柏

山潘家山

並一

賀家山

九

袁家山

七

黃龍山倒座

山

並六

劉家山

五

孤山郝家嶺

並三

州南諸山有王

家嶺

一

楊家嶺

九

石門山

六

峯子嶺

五

羊頭

山四十里 寨山三十里 銀鑪山十里 西南諸山有黃金山里六十

花花崖

八十里

野人山 黨家嶺 韓家嶺

並九十里

右汾源西山在岢嵐保德及河曲境者

嵐漪水之南東濱汾西達蔚汾關南盡嵐水者為嵐縣之山西濱大河南跨蔚汾水者為興縣之山當二縣之間與臨縣界者曰赤洪嶺即離石北山也為藍芽南出之中幹

元和志蔚汾關在合河縣東七十里

方輿紀要合河城在興縣西北六十里案

寰宇記黃河在城西二里今興縣西距黃河五十里顧氏似未窺

方輿紀要蔚汾水在興縣南十二里自嵐州流經此又西南流達於大河唐志合河縣東蔚汾關並以水為名也嵐河在靜樂縣西南六十里東流入汾

舊通志赤堅嶺在嵐縣南九十里遜高二十里盤踞八

十里嵐水發源嶺下東流入靜樂縣界又云赤洪山在臨縣東北七十里

謹案赤洪嶺北通岢嵐之洪谷隘南連永甯之方山頂東抵靜樂石峽西極臨縣紫金山山脊四通一嶺中阻汾源西南諸山皆由此分支自昔爲嵐石二州之界

其在乏馬嶺之南曰黃道川嵐漪水之源也循水而西爲巨麓嶺亦曰萬松山當兩嶺之間者曰洪谷隘在岢嵐州南又南爲界河口秀容川蔚汾谷之上游也

方輿紀要嵐漪河源出岢嵐州東五十里黃道川北之分水嶺經乏馬嶺西又西南合巨麓嶺水巨麓嶺在州西南五十里與縣接境處也

西南至縣城六十里

山多松一名萬松山或

謂之松子嶺宋靖康初折可求援太原道出松子嶺爲金人虜敗於洪谷隘在州南四十里唐末李克用敗官軍於洪谷擲此界河曰在興縣東六十里路出岢嵐州

舊通志曰麓嶺東麓爲岢嵐山西南連萬松嶺山有十峰土人胥名西山龍巖在州西南寺溝會在州西南三十里石壁峭拔清泉潔繞上有白勝菴地以溝名寶山也

南秀容川在嵐縣古汾陽縣所治也曰鹿徑嶺曰雙松山曰風后山曰挑尖山在其東曰黃尖山曰黃芋山曰白龍山曰大萬山曰合查山在其西南溯嵐水之源抵赤洪嶺其東南道通羊腸坂有銅鼓山與靜樂之石峽盤峙於汾水之曲水經注汾水又南逕汾陽縣故城東川土寬平恒山夷水

地理志曰汾水出汾陽北山西南流者也漢高祖十一年封斬疆爲侯國後立屯農積粟在斯謂之羊腸倉山有羊腸坂在晉陽西北石陘行若羊腸焉故倉坂取名矣又南

逕秀容城東魏土地記曰秀容胡人徙居立秀容護軍治

東去汾水六十里

魏書爾朱榮傳高祖羽健居秀容川謂

南秀容川原仄衍欲令居之羽健曰臣家世奉國給侍左右北秀容既在剡內差近京師豈以沃瘠更遷遠地太祖詩之所居之處會有狗馱地因而穿之得甘泉焉至今名狗馱泉又新興太和中有兩角遊於馬前祈興與之謂曰爾行馬草見一白蛇頭有兩角遊於馬前祈興與之謂曰爾若有神令我畜牧蕃息自是之後日登滋盛牛羊駸馬色別焉擊谷鼠附已案北秀容在朔州邊外西限大河南秀容在汾陽故縣東濱於汾郡注所云徙居當在新興時榮木傳言秀容界有天池今嵐縣西北有大蛇頭城猶其道跡若所云狗馱泉當在北秀容舊志謂在靜樂縣南天柱山下蓋屬傅合

方輿紀要秀容城在嵐縣南三十里通典宜芳縣有古秀

容城卽漢汾陽縣或曰城蓋劉淵所築因姿容秀美因以
名云羊腸坂在縣東唐志嵐州界有羊腸坂皇甫謐地理
書太原北九十里羊腸坂崔隨引以對隋煬帝通釋云
嵐州羊腸坂蓋與交城羊腸山相近

舊通志鹿徑嶺在靜樂縣西六十里

嵐縣北六十里

乃蘆芽西

出支南度者也一名鹿綻嶺歐陽修劄子經靈州飛鷲

軍入洪谷方至岢嵐卽今嶺道也黑風山在縣西五里

汾水西蘆芽西支迴總而至此者也山而南側有一竅

秋冬出黑氣名風洞

嵐縣志風后山在縣東南上有魏皇姑墓

雙松樹山在

嵐縣北四十里縣志桃尖鎮其南雙松障其北東帶高

平之坡西據白龍之險山岡陡峻道路崎嶇桃尖山在

縣東南六十里連北廟山野雞尖山

尖卽明史地理志黃尖山蔚汾水所

出在縣西北二十五里連十八盤山黃嶮山在縣西南二十五里連西梁坡一名黃羊山白龍山在縣西南五十里有聖水井白龍神祠大萬山在縣西南六十里連翠巖山下有白龍池銅鼓山在縣南五十里山中一峰高五里連聖齋山仙人洞其色黃似銅履之有聲又縣里銅鞮溝有銅河後銅盡名銅家橋又北十里有二郎山

興縣志合查山在縣東南八十里高可二十里爲諸山之冠數百里外望之若翠插天

嵐縣志嵐河源出嵐縣經流古石門會龍泉川至縣西南六十里右折由石峽入汾

蔚汾谷在興縣太原極西境也其山由界河口迤而西北出於巨麓嶺右折曰雙峯山曰石樓山曰小寨山曰太平山南

出於蔚汾水陰者曰十八盤曰大寨山曰石堠山曰桃花山
由太平山而南爲峨岷山縣城所倚也迤邐而西以達於黃
河有合河關北臨嵐漪水當岢嵐川口由十八盤而南爲合
查山南川水所源也介乎南川者曰採林山曰紫荆山又西
峙於河岸者曰浩文山皆南界臨縣而合查山尤峻巍東與
赤洪嶺相望當汾源西南羣山之會

方輿紀要石樓山在興縣東北五十里一峰孤聳峭壁端
直百丈有餘四圍不可攀援惟向北一小徑盤迴可達峰
頂俯視羣山若邱垤然一名通天山後漢陽嘉中使匈奴
中郎將張耽等擊烏桓於通天山大破之後魏和平三年
石樓人賀略孫反長安鎮將陸眞討平之案今石樓縣北魏上軍也史書
爲吐京以石樓名縣始於隋故顧氏係事於此亦或然也
若所採北史天保五年齊上白雉石道討山胡一軍從顯

送平石棧則確爲今石樓縣矣合河關縣西北七十里宋
白曰蔚汾水西與黃河合故曰合河合河津唐置關於此
案寰宇記關在合河縣北三十五里乃今裴家川口爲嵐
漪水入河之處合河津當在黑峪口合河故城去今縣五
十里爲蔚汾唐開元九年并州長史張說出合河關掩擊
叛衆於銀城連谷大破之宋慶厯元年趙元昊陷豐州遣
兵分屯要害以絕麟州餉道議者請棄河外保合河津卽
此

康基田合河紀聞昔人謂天臺王屋自甯化發脈合查交
承諸山孕於甯化盤結翁聚於此障汾東流氣象固殊山
在縣東南八十里峰巒聳異盛夏猶棲餘雪北峰頂有石
洞玲瓏透山背望之通明其南一洞窈深幽遠不可名狀
洞外兩峰對峙如拱如揖山巔湧泉曰飲馬泉下有龍池

其陽爲陽山危峰怪石刻削如畫中峰伽陀嶺松檜數萬
株延及回光嶺林巒疊翠蓋天生神秀合河東南之望也
舊通志卧龍岡在興縣西北七十里岡南兩峰對峙一
名雙侯山中有大壑河水自南北注當壑有石壁數百
丈橫互連合南峰曰卧龍岡水由岡下洞穴流出合嵐
漪水洞石衝出者矗立水中其北峰曰天磴山峭壁千
尋徹下中裂望之石紋如磴齒兩兩相錯亦一奇也小
寨山在縣北五十里一峰獨立上有寺太平山在縣北
四十里前有太平溝迤邐盤曲上有雙峰對峙爲雙山
峪十八盤山在縣東七十里南連合查山茂林遶壑十
八曲而後躋巖大寨山在縣東三十里東北連石堠山
石脈卧而疊起其高極目上有高王寨相傳高歡所築

下有石乳洞口徑尺餘人蛇行而入中似屋屋壁有小
口側身入又一屋相似也屋頂鐘乳涓滴下成白石石
堠山在縣東北四十里連石樓山山巔怪石攢簇曰逆
花峰峰西石崖高數十丈形似斥堠曰石堠峰峰北一
峰別起石脈中斷架木而度有堠山寺峰南有黑龍池
深巖黝墨水旱不涸東有白虎巖僧與虎胥化於巖窟
存桃花山在縣東二十五里東連大寨山危峰獨秀上
有寨南有仙洞有卦石泉仙洞入其中時寬時隘似門
戶者三內平地二畝許四望胥石穴東南穴清淵湛深
水中三白石柱上楮洞頂柱左右又有竅洞有三口劣
容人側身入數百武侯隔敵怪石崢立石隙小穴如蜂
房入者必以草節識之東南入饒有灘曰枝麥灘

當作
抽麥

地殊寬洞頂高數十丈四壁霄鐘乳滴又東南曰仙人
洞水廣可二丈色黑無敢度者其旁洞不可勝計人莫
能窮洞外峰突起羽士構閣其上峨嶺山在縣治北有
三峰中峰高旁峰對峙如眉採林山在縣西南四十里
林巒高峻下有採林渡紫荊山在縣西南九十里高十
里盤踞十五里界臨縣一名紫金山南麓有聖母泉北
流北麓石壁有穴出風能偃苗恒封不啓浩文山在縣
西南一百二十里黃河三面懸崖陡絕數百丈南緣石
磴緣鐵絙而升爲南天門門東有泉南川水發源合查
山西北流至趙家川口合蔚汾水入黃河

右汾源西南諸山在嵐縣興縣境者

山川考七

考二之七

山西通志第三十七

賜進士出身頭品頂戴兵部侍郎兼都察院右副都御史巡撫山西提督軍務臣張開泰
肯監修

管涔山下

汾川西山
西河東山

汾水自管涔山循蘆芽山麓西南行過靜樂城紆曲二百里而限於離石山遂由石峽折而東流迤南至陽曲之烈石谷出山離石山在永甯州東北一百八十里俗名赤堅嶺卽赤洪嶺也蘆芽中幹南出至此山脊陡起東西橫互支分條布出太汾二郡之西蜿蜒數百里以至狐岐山太原交城文水汾陽孝義皆旋居其趾東盡於汾水臨縣永甯甯鄉則深據其腹西阻於黃河由狐岐山而南與石樓界者爲蒲川北山西循河以達壺口其東則汾水再入山而爲縣霍矣

水經注河水又南得離石水口水出離石北山南流逕離石縣故城西史記云秦昭王伐趙取離石者也漢武帝元朔三年分代共王子劉緡爲侯國後漢西河郡治也

元和郡縣志離石山今名赤洪嶺在離石縣西五十步高歡大破爾朱兆於赤洪嶺蓋此處

太平寰宇記離石水今名赤洪水東北從方山縣界流入明史地理志永甯州北有赤堅嶺一名離石山離石水出焉亦曰北川河孝義縣北有狐岐山勝水出焉東流入縣又縣南有雀鼠谷與介休縣界汾水自東北來經此

舊通志離石山在永甯州北一百八十里卽赤堅嶺也

山前有離石水古設離石縣離石郡晉以山名城卽古離石縣地西南兩面臨水去山頗遠元和志謂赤洪嶺在縣西五十步誤以水爲山也

其在靜樂石峽之南當汾曲者曰周洪山赤洪嶺之分支也
迤南曰龍和山又南曰公主山有獨泉西出石樓山東達雁
門者汾上古關也其北有棹煩城爲故憲州治其南有孔河
嶺接故交城山在羊腸坂北汾水又東折而南出陽曲西曰
屈園山曰土堂山曰西峙山在烈石口

唐書地理志憲州天池縣有雁門關

太平寰宇記憲州舊樓煩監牧也天池縣在州西南五十
里本理孔河館後移於安明谷口道人堡下獨子洲在公
主山下基址猶存高丈餘西南接石樓山下有流泉入雁
門注於汾河雁門關在州東南六十里雁門鄉其關東臨
汾水西倚高山

太平御覽萬谷根山郡國志曰卽羊腸坂皇甫謐云羊腸

塞在龍山西卽晉陽西北古西河上郡關於此隋煬帝大業四年經此幸汾陽改名深谷嶺十三州志晉陽有羊腸蟠曲在其西北九十里也又隋圖經云矢山去萬谷根山二十里頭上有石墟魏太武避暑之所羊腸坂在焉

方輿紀要周洪山在靜樂縣西南七十里巍峩奇秀其西北十里有渥洼泉或曰山蓋與石峽相接也又西南五十里有龍和山峭壁嵯峨環繞左右山東去樓煩鎮三十里又有石門山在樓煩鎮西北二十五里兩山聳立其狀若門交城山在交城縣北百二十五里志云古交城治此周顯德三年北漢主劉鈞葬其父於交城北山卽此黑石樓山在縣西北百五十里黑石攢起如樓閣然其相近曰獨泉山洞穴中有石如盆泉出其中或曰北漢石盆岩蓋置

於此宋乾德四年石盆若來降是也羊腸山在縣東北百
里後魏立倉於此案水經注謂倉在汾陽故縣蓋羊腸爲
太原通嵐州之道故附近諸山多有其
名陽曲天門關亦曰羊腸坂元和志羊腸山在交城縣東南五十五里
以舊城言也

舊通志臨春山在靜樂縣南百二十里石樓東南之天

城村高百丈下有流泉山雁門村入汾

案卽寰宇記之
公主山其水今

名大城泉金趙乘
文有天城山詩

石龍山在縣西南百五十里雁門道

中一名夾龍山又花果山在縣南百二十里紫石山在

縣南百四十里石可作硯孔河在交城縣北一百三十

里源出龍樹山下青崖寨經馬蘭村東注於汾孔嶺在

龍巖寨北

縣志故交村汾
孔交流地也

喇圍山在陽曲縣西北四十

里踰呼延村而上羊腸鳥道石磴谿銜不能旋足行寢

近峰勢巍崑嶠園寺由林梢閃出陟嶽俯視諸巒如拱

如揖幽泉怪石罔不聞聲

宋莫尊嶽園寺題名記嶽園字必無偏旁疑村夫子強加

之郭忠恕有言飛禽即須安鳥水放便應若魚俗書滋謬二語盡之矣

西峙山在縣西南

有華山朝陽嶺夕照峰伏魔巖長生洞文殊頂又有瀑

布簾飲龍湫飲牛灘白石灘飲龍湫卽天池也中有龍

窩巨石石室石門石徑石牀下有西河古洞水涵明季

梁檀隸丹青於此土堂寺山在縣西北四十里後倚崇

岡前臨汾水沙鳥出沒雲煙隱見寺有巨柏十餘株蛟

蟠蚪屈北巖在烈石谷有飛瀑石尖峰在烈石谷口孤

石立汾水側高十丈有奇

縣西山志有風穴在縣西二十里西谷洞鴉兒旋仙洞並

縣西七十里又石家峒脂坡芙蓉峽懸崖明王道行並有詩

陽曲縣志汾西之山白嵐谷赤堅嶺而下經靜樂縣靜

遊村山隨水行由樓煩鎮寒溝山交城古交鎮至長峪溝入邑界汾水亦自河口村入界歷九峰山石壑子山一步巖王封山土堂山嶺圍山虎頭崖至西峙山與太原天龍山連接

右汾曲南山在靜樂陽曲及交城境者

其在羊腸之南出陽曲交城間而汾川者爲太原之西山曰嬰山與陽曲界曰蒙山有風谷藍谷曰龍山一名天龍又卽縣襄山晉水所出也有晉祠其北有石室山銀牛山西有象山尖山南有方山葦谷山並與交城界其岡阜之連連於汾河之西岸者曰潛邱曰崖山曰臥虎山今邱久湮無復遺蹟其自葦谷而南與清源故縣界者曰仁山曰中隱山曰白石山曰鳳山曰馬鞍山壺屏山皆龍山之餘支也

爾雅晉有潛邱注今在太原晉陽縣

漢書地理志晉陽龍山在西北晉水所出東入汾

魏書地形志晉陽西南有懸甃山一名龍山

水經注太原郡治晉陽城尚書所謂既修太原者也春秋
說題辭曰高平曰太原原端也平而有度尚書大傳曰東
原底平大而高平者謂之太原郡取稱焉又晉水注云晉
書地道記及十三州志並言晉水出龍山一名結紉山在
縣西北非也山海經曰懸甃之山晉水出焉今在縣之西
南昔智伯之過晉水以灌晉陽其川上瀦後人踵其遺跡
葑以爲沼沼西際山枕水有唐叔虞祠水側有涼堂結飛
梁於水上左右雜樹交蔭希見曦景於晉川之中最爲勝
處

隋書地理志晉陽有龍山蒙山又圖經云嬰山爲并州之主

元和志蒙山在縣西北十里十六國春秋曰前趙劉聰征劉琨不克略晉陽之人踰蒙山而歸卽謂此也今山上有楊忠碑爲周將討齊戰勝隋開皇二年追紀功烈始建此

碑忠卽文帝之考諡曰武元皇帝懸甕山一名龍山在縣西南十二里

齊武平六年於今理置龍山縣因山爲名

山海經曰懸甕之山晉

水出焉其上多玉其下多銅晉祠一名王祠周唐叔虞祠

也

案地形志作晉王祠

在縣西南十二里序行記曰高洋天保中大

起樓觀穿築池塘自洋以下皆遊集焉至今爲北都之勝

潛邱在太原縣南三里爾雅曰晉有潛邱隋開皇二年於

其上置大興國觀

太原舊志在城東八里宋修惠明寺隋土作瓦是邱遂湮按唐於太原郡置二

蘇東爲太原西爲晉陽並毀於宋今縣城乃明洪武初因
晉陽南關舊址重建者故去邱八里與元和志所云縣南
三里相
符也

寰宇記羊腸塞在龍山晉陽西北九十里石室山後魏興
國土地記云太原郡山有石室方丈四尺四壁有篆字人
莫之識

方輿紀要蒙山在太原西北五里其山連互深遠或以爲
北山或以爲西山又有風谷山在縣西十五里道出交城

樓煩唐時爲驛道所經尖山亦在縣西十五里產礬炭皆

蒙山之支隴也又有駝山在縣東北三十五里狀若駝峰

一名墨駝山亦產煤炭駝山在陽曲榆次界當
是汾東之山姑連及之又蒙山西

南有藍谷晉永嘉六年劉曜自蒙山遁歸拓跋猗盧追之

戰於藍谷曜兵大敗建興初劉琨復與猗盧謀討劉聰琨

進據藍谷是也

舊通志嬰山在縣西北三十里卽今五龍趾也有妙尖峰站字崖西至陽曲縣界十里龍山在縣西八里有瓦窰峰高四十丈有花巖塔高踰瓦窰南連懸壺山西連方山北至黑沙嶺有童子寺白魚泉一名天龍山温大雅創業起居注十三年歲在丁亥正月丙子夜晉陽宮西北有光夜明自地屬天若大燒火飛燄炎赫正當城西龍山上直指西南極望竟天俄而山當童子寺左右有紫氣如虹橫絕火中城上守吏人咸見之又周經留題天龍洞詩注山有白龍神廟有高齊避暑宮遺址懸壺山高七十丈山下晉水東至晉祠北連龍山山腹有巨石象甕宋仁宗時地震摧壞無復甕形矣銀牛山在

縣北西陽雜俎漢建武二十一年有人騎白牛蹊人田
田父訶詰之乃曰吾北海使者將看登封遂乘牛上山
田父尋至山上唯牛迹遺糞皆爲銀也明年封禪象山
在縣西十五里尖山在縣西南二十里礮石山北東至
青楊河三里西連天龍南山北爲鴉兒溝有泉一泓與
黃蘆峪間家峪近並出炭方山在縣南三十里東連龍
山西爲石亭山北至風峪十里山下有白龍池葦谷山
在縣西南三十里東至山麓十五里南與清源界有仙
巖禪寺青龍白龍二池山北有齊神武避暑宮崖山在
縣東西陽雜俎縣東有崖山大旱土人燒此山以求雨
俗傳崖山神娶河伯女故河伯見之必降雨救之今山
上多水草臥虎山在縣西南七里西至明仙峪北連龍

山山北有井相傳宋太祖鑿臥虎山血出成河故橋名

赤橋卽古豫讓橋也

案此卽元好問道晉陽故城耕李詩所云南人鬼巫好禱祥薄大春

鍾開述岡者蓋踵秦皇之故智爲之其後並潛印亦削斬無遺迹矣

又青崇巖在縣西北

三十五里九院峪產炭亦在縣西北三十五里虎峪在

縣西北四十里野峪在縣西北二十里並產炭井峪在

縣西北十里出砂器

案以上諸峪並

在羣山蒙山間風谷山有峰最高

名馬回尖巖石錢篆文洞中有北齊天保時刻佛經石

柱一百二十六太山在縣西五里最高爲東坪峰西坪

峰北連蒙山響洞在太山寺北二里人蹟罕到人吐語

則訇然有聲趙家谷成家谷並

在西山案以上諸山並

在龍山風谷間明仙峪在龍山南川谷清幽柳子谷在縣西南十五里

入天龍寺道槐子谷內有插旗石曰深三尺黃蘆峪在

縣西南十八里閻家峪在縣西南二十里並產炭

案以上諸

地並在天龍山南

介嶺見歐陽詹登龍興寺閣野望詩水經注

晉陽城南舊有介于推祠地形志同

案寰宇記懸爽山有介子推祠在山西

西又云介山有子推廟其靈又云介子推祠在縣東南

五里所記介祠不一而無山以實之元和志云在縣東南

南五十里似衍十字舊志案東漢世家劉鈞時郭無爲

隱太原抱腹山今縣無抱腹山當即介嶺嬰縣山抱腹

巖名亦或然也則嶺即懸爽山寰宇記所云在山西者介山乃重文耳

舊通志仁山在清源縣今爲徐溝鄉西北十里高七百五十

步北至太原縣洞兒溝三里中隱山北至仁山三里半

今爲徐溝鄉

四周高峰其山中隱碧澗縈繞水中文石可數有中隱

寺白石山北至中隱山四里半有水由峪中出合平泉

曲流十里入汾山堂肆考白石谷在太原府清源縣西

白石山谷水流出合平泉入汾三晉多山谷了梗陽白

石谷獨流布於東南藝苑之卷帙焉

案白石水今入文水

鳳山高

八百步至白石山三里中峰高峙雙抱如翼馬鞍山在西南五里登屏石山在西南二十八里高白鎮交城夏營村界有登屏石河又方山與登屏石界北至馬鞍山十六里屏谷山馬名山並距縣西十五里在鳳山白石山間相傳漢文帝收馬於山有印胸城

其在羊腸之西者曰狐突山少陽山水源其西迤北曰孝文山文谷之水源其南自下合流通稱文水爲汾西名川也自孝文山以東皆交城縣境西循穀積與永甯分山自文谷而南入文水縣界南抵謁泉與汾陽分山

元和志狐突山在交城縣西南五十里出鐵錫文谷水出縣西南文谷水經曰文水出大陵西山文谷按大陵縣在

今文水縣北十三里大陵故城是也文水發源此城西北東南流入文水縣界謁泉山在汾州西河縣東北四十里寰宇記少陽山在縣西南九十五里山海經云少陽之山酸水出焉其上多玉其下多赤銀

方輿紀要孝文山在交城縣西北二百里連永甯及靜樂縣界相傳魏孝文帝臨幸汾陽置行宮於此穀積山在縣西北百五十里一名骨集與永甯州呂梁山相接

謹案唐初交城縣治故交村其後徙御波村卽今縣也東北去故交九十里元和志於羊腸山云在縣東孤突山少陽山云在縣西南皆就故交城而言寰宇記襲其文不改酸水出少陽山山海經次於管涔山後水經注次於秀容城南並云其水入汾當是故交

司南之水俗名孔河者

案此水出少陽山東流四十里至交口一水自馬鞍山來

東北流與之合又東二十里至故交入汾世以爲汾孔交故名交城不知孔水在其北不經故交也

出少陽山東其出少陽山西入文水者乃別一水世

以爲酸水非也

狐突山一名馬鞍山由山而北曰童子谷其東仰孔河也曰

龍鬚山曰神師山並在故縣北山而南曰步渾谷迤東曰

塔莎谷谷水並南流介其間曰臥虎山曰七佛巖曰玉山曰

白鹿山曰臥牛山並在今縣東爲交城東北之山

寰宇記童子谷隋圖經云在縣東六十三里齊天保七年

有童子數人放牧見山上巨石遂發心見佛像高一百一

十尺

案隋交城縣在今故交村圖經當云在縣西六十三里案史據今縣改西爲東味不合今谷在縣北八十三

里又案寰宇記所記山川道里如少陽山羊腸山狐突山文谷水皆因元和志舊文據故縣而言惟云交城山在縣

北一百三十五里廢盧川縣在縣東北九十五里汾陽倉
在縣東北九十一里廢今縣而言其最抵悟者如汾陽倉
既云後魏曰陽曲谷城其下又出陽曲故城云在縣西南
七十里開皇六年改爲陽直則地望遠別名稱相混更不
知爲何地蓋皆就故縣言而童子谷鐵柏子出縣北狐突
論西爲東新城又譌東南爲西南耳

山南每年採進

方輿紀要狐突山有晉大夫狐突廟因名縣之鎮山也產
青鐵宋因以置監一名馬鞍山

舊通志龍鬚山在縣北百二十里北連孔河嶺解樂縣
界山有三峰盤陀峰最高有寨名龍鬚寨北有黑龍洞
南有龍堂山山下滴水成石名餘涼石山麓有青崖水
一名龍樹山在縣東北百九十里古有二仙隱此下有
東西仙洞交城山在縣北百里交城故縣治今爲故交
村步渾水源出馬鞍山前步渾谷塔沙水源出塔沙谷

並南經縣東入汾臥虎山在縣東北二十五里有臥虎
巖相傳梵王太子由盤陀石來及七帝修覺地其睡化
金骨虎石足蹟今存七佛巖在縣東北二十里山巖有
七佛像玉山在縣東北十二里古名虎頭山金皇統二
年賜名或謂有空王佛寺故也有第一碑宋米芾書白
鹿山在縣東北十里下有白鹿泉臥牛山在縣東北七
里以形似名

文谷亦曰文山宋西冶所在也東與狐突少陽二山連迤北
曰榆城山營渾谷西谷二水間下流卽文水也循渾谷而上
曰阿蘇山曰破羅漢山而東連前柴界之石樓山循西谷而
上曰歡悅山曰劉王岬而西連水雷界之殺積山窮谷卽孝
文山也壺盧峪介其中有鍊銀山采屏山循文谷而下曰賈

珠山曰四稜山曰龍堂巖並在文水北曰高離山曰石壁山曰夏壇山曰卦山曰錦屏山並在少陽水東爲交城西北之山

寰宇記西山冶在大通監西文谷內義泉社去監六十里

此冶取狐突山鐵鑛烹鍊方輿紀要朱白曰大通監本古交城地今縣西北八十里有大

通鐵冶未設提舉司及祭冶所

舊通志文山在縣西北九十里文水側渾谷水在縣西

源出孝文山後西谷水源出劉王岫南流至榆城合渾

谷水方輿紀要榆城在縣西北百三十里亦戍守處也大阿蘇山在縣西北百

五十里小阿蘇山在其內石崖有洞穴遙數十武黑石

樓山在縣西北百五十里與破羅漢山接豁然山在縣

西北百五十里蓮毅積山山勢聳立東望并州西望黃

河一名歡悅山劉王嶧在縣西北百八十里西連榆城
山臨縣界山有峰淵峪最高上有泉禱雨多應下有離
石水流入永甯州昔劉淵都離石時嘗居此因名有祠
又有西谷水流入交城三座崖在縣西北峙東西兩壺
虛口中鍊銀山在縣西北百七十里采屏山在縣西北
百五十里懸崖如削五色繽紛知縣趙吉士得斷碑於
澗中上有采屏字因以名山寶珠山在文山西北十里
四棱山山脊四垂在縣西北九十里龍堂巖在縣西北
七十里水北都又有青龍洞在榆翠村洞達數里由石
窟入禱雨多應高離山在縣西北四十里孤峰高出遠
離培塿石壁山在縣西北二十里疊嶺周環拱列如壁
南有石崖峭削百仞西北巖下有龍潭泉東南崖半有

白牛洞

洞口高一丈廣五尺深不可測

唐建石壁禪寺有甘露義壇李

逢吉碑三壇角於三都在西都曰靈威壇在東都曰會

善壇在北都曰甘露壇今爲永甯寺魏太和六年唐貞

觀十一年元和七年甘露晉降於石壁山唐林謬撰石

壁寺鐵彌勒像頌房璘妻高氏書

碑今存序曰石壁寺者晉之西山舊號石

壁谷隋隸西壽陽縣唐改壽陽爲文水先朝分置交城而此寺焉太宗昔幸北京文德后策過勸若禮謁禪師韓公便解衆寶名珍供養取願玉衣旋復金榜遂開因謚天下名山形勝皆表刹焉所以報護力廣真誥也

夏壇山在卦山西北卦山在縣西北五里山八峰爻象

峰最高巖西巖下石坎有靈泉山西石坎有龍池泉山

南石崖下有漿水泉山下有寺義水一名萬卦山祝志

作萬掛六峰峙立唐建華嚴三會普光明殿今爲十方

天甯寺

朱彝尊遊卦山題名記卦山去交城西北五里地峰夾瀾石且畫之相錯陰陽乖合不可端倪

山以是名。隋者增益其名曰萬卦山。而卦之義。所以數
窮矣。丙午秋。余登山。觀唐支高李元穆所撰碑記。及
貞元和中。陀羅尼石幢。日野暮風雨。露作乃留宿僧
舍。曉起登峰。以望白雲。蓬蓬瀟瀟。溼柏谷下。觀城郭出沒
霧中。若方盤之浮於海。午盡下山。因書來遊之歲月於壁。
錦屏山在縣西北五里東。連卦山紅崖綠樹。若錦屏然。又鳩鶴聽經。轉生於縣北。
榮氏從師苦修。後得化。此西社龍門在縣西北五十里。
西南都景殊清麗。昔有巨石當山口。一夜迅雷石裂。水
通。又寶珍山在縣西百里。僧寶珍蛻此。

交城縣志交東南境近縣治與平原接西北至臨嵐永
甯州其山若孝文呂梁劉王岫皆絕險而東西兩壺盧
承其衝右西峪左渾峪二水夾之東北與靜樂陽曲界
其山若神師羊腸交山皆絕險而河北古交村當其奧
左汾右孔二河夾之自縣城而南不過十里東不過二

十里而東北則一百里西北則二百二十里

文峪口一名西都谷文水出口也在文水縣北曰石峽山又北有熊耳山與交城界南曰陶山又南有謁泉山入汾陽界曰白虎山曰獅子山曰光統領山皆其支峰也曰龍堂山曰柏茆山則山麓之崖阜也

水經注文水右會隱泉口水出謁泉山之上頂俗云賜雨愆時是謁是禱故山得其名非所詳也其山石崖絕險壁立天固崖半有一室去地可五十餘丈爰有層松飾巖列柏綺望惟西側一處得歷殺升陟頂上平地十許頃沙門釋僧光表建二剎泉發於兩寺之間東流瀝石沿山下又東津梁隱沒而不恆流故有隱泉之名矣

方輿紀要文水自交城縣南流入縣界經縣北二十里文

峪口隱泉山在縣西南二十五里平陶故城南一名陶山
隱泉一名謁泉其石窟名隱堂洞亦曰子夏室昔子夏退
居西河之上卽此地也故山亦兼子夏之稱矣宋靖康元
年金人圍太原使李綱督諸道兵赴救折可求之師潰於
子夏山時可求自汾州而進取道山下也

舊通志開柵堡魏武帝築

方輿紀要後魏宣武帝所築

當文峪口卽

宋西都谷也金圍太原都監馬五破宋兵於文水節度
使耿忠等敗宋黃迪兵於西都谷石峽山在縣西二十
五里山谷杳遠初入爲龍頭山夾坡古柏石壁如削有
石峽洞越嶺西南十里有奇至黃龍洞洞殊幽清禱雨
有驗熊耳山在縣西北三十里松柏蒙翳一名崇山李
學詩記熊耳以狀類因名峭然壁立高超漢斗二水環

帶於東三峰排戟於西南則商峰北則孤嶺山脇有熊耳寺陶山在縣西二十里雙峰山陶山之分支也由麓至巔壁立千仞土人名大嶺山獅子山在縣西南十五里以形似名白虎山在縣西南二十里有白虎廟光統領山在縣西南三十里峰嶺高峻日出先照或曰昔人統兵於此故一峰有先鋒臺之名今土人名西頂山形勢遶曲松柏叢蔚龍堂山在縣西七里有白水泉味尤甘柏茆山在縣北十三里龍從森蔚上有壽甯怪柏又郝嶺在徐南都石門在隱泉山西兩壁如削似雙關然澗水下注如噴雪走蚪

右汾川西山在太原府太原交城文水三縣及清源州境者

穀積山一曰呂梁山連脊而南直謁泉山之西者曰比干山
又南爲黃樞嶺有向陽峽古金鎖關也其關水流入原公水
曰青龍山曰白彪山在其北連東與謁泉山連曰石室山曰
萬戶山曰將軍山曰石盤山曰羊頭山在其南當谷口爲原
公水源並在汾陽界

水經原公水出茲氏縣西羊頭山東過其縣北注縣故秦
置也漢高祖更封沂陽侯爲侯國王葬之茲同也魏黃初
二年分太原復置西河郡晉徙封陳王斌於西河故縣有
西河繆王司馬子政廟碑文云西河舊處山林漢末擾攘
百姓失所魏興更開疆宇分割太原四縣以爲邦邑其郡
帶山側塞矣王以咸寧三年改命爵土明年十二月喪國
臣大農簡崇離石令宗羣等二百二十四人刊石立碑以

述勳德禪北廟基尙存也

北史齊天保三年幸離石遂至黃墟起長城四百餘里立三十六戍

元和志比干山在西河縣北一百一十里

方輿紀要府西九十里

汾州府志循呂梁山脊而南曰黃墟嶺東距府治六十餘里西少北距永甯州治百有五里或言卽魏書序紀稱將從西河鑿谷南出者未聞其審山脊之左枝麓歧分在汾陽縣境者曰謁泉山南距府治四十里隱泉水出焉東入文水水經注曰隰牟有一石室去地可五十餘丈括地志謁泉山一名隱泉山在汾州隰城縣考北魏太和八年置西河郡治茲氏城茲氏本漢太原郡之屬縣也後人緣名傳合莫能稽遠遂以爲子夏居西河

教授迹在於斯故是山呼子夏山禮記植弓篇曾子稱
退而老於西河之上鄭康成云西河龍門至華陰之地
蓋河上據河而言不指那縣張守節始舉西河郡謁泉
山石室引隨國記云此爲子夏石室退老西河居此有
卜商神祠李吉甫元和郡縣圖志汾州西河縣下云卜
商祠在縣北四十里方道元作水經注時西河郡治咸
知新在此地故言子夏設教但求之夏陽邵陽間河水
篇注云踞谷水東流側谿山南有石室因阿結廡連扁
接闔昔子夏教西河疑卽此也而無以辨之谿水又東
南逕夏陽縣故城北東南注於河陶渠水東南逕漢陽
太守殷濟精廬南俗謂之子夏廟其水又東南逕夏陽
縣故城南又東南入於河徐水東南逕子夏陵北東入

河河水又南逕子夏石室東南北有二石室臨側河崖
卽子夏廟室也道元所記者如是而於謁泉山及汾水
文水絕不涉及明此地距河遠無庸傅合耳沿及隋唐
習聞郡名不復賫實卜子之跡在龍門西河者移而虛
加之北魏以後西河郡矣青龍山東南距府治四十里
孤峰特立羣山環之左右谿澗流出山頂有泉曰甘泉
白彪山東南距府治二十五里相傳遠古騶虞見於此
山白虎黑文其麓曰盪盪谷原公水出焉東南入文水
谷有龍橋洞方廣十丈許闢兩巖間石梁橫續懸溜滴
地不絕南爲羊耳山石巉峰聳林茂泉飛水經原公水
出茲氏縣西羊頭山或云白彪卽羊頭山之異目也今
別有山名羊頭山上山戴石東距府治十五里原公水

經其下黃檗嶺之東曰向陽峽東距府治三十五里古
金鎖關在焉巖險插天中斷如關延袤三十餘里有洞
水出峽東流入文水鶴鳴洞東南距府治十里舊曰西
巖古洞石室山東距府治三十里山多巖洞舊志有空
有席衣仙洞唐貞觀中任氏
女不願婚嫁披麻衣入洞中萬戶山東距府治二十里
高八十丈延袤二十里頂平曠又謂之西岡舊傳趙所
封離石侯石嵩葬此山下今無可考石盤山東北距府
治十里其高峰俗呼西頂將軍山一名柏山東北距府
治十七里舊傳離石侯牙將趙鼎號白馬將軍戰死此
山民收葬山下故名山與石盤山相連

黃檗嶺之南山脊再起曰薛頡嶺卽狐岐山也在汾陽孝義
甯鄉三縣界山之南麓勝水出焉俗名孝河其東麓之水土

名義河並流入文水介乎二水之間者曰龍隱山其在勝水之陰者則青山之北麓也迤邐而東至雀鼠谷爲汾川西山南北之限

山海經狐岐之山無草木多青碧勝水出焉而東北流注於汾水其中多蒼玉

水經注文永又東南流與勝水合水西出狐岐之山東逕六壁城南又東逕中陽故城南又東合文水文水又東南入汾水也汾州府志山海經言注汾而水經言注文水則因汾水東西轉徙驗之近事數年以前原公水以下諸澗皆自達汾川不與水經注協今則皆入文水一如道元所見矣案府志以入孝河之左水爲勝水正源誤辨詳壹
口山下

舊通志狐岐山一名薛頡山在孝義縣西八十里主峰高五十丈有奇南連高唐山三十里北連甯鄉鵠吉山

五十里中峰最高今盤重原也勝水出其下王應麟國
學紀聞云治梁及岐若從古注則雍州山距冀州甚遠
壺口太原不相涉晁氏以道用水經注以爲呂梁狐岐讀
此始知蔡傳宗晁氏其言曰梁岐皆冀州山梁山呂梁
山也在今石州離石縣東北爾雅云梁山晉望卽冀州
呂梁也又春秋梁山崩左氏穀梁皆以晉山則亦指呂
梁矣岐山在今汾州介休縣狐岐之山勝水所出東北
流注於汾二山河水所經治之所以開河道也禹貢錐
指曰呂梁狐岐二山去河甚遠晁氏以此釋治梁及岐
大謬孝河卽勝水義河發源狐岐山之麓東流至縣北
十五里入汾陽境龍山在縣西六十里巒壁巍峩樓閣
掩映華嚴禪寺之勝也一名龍隱山有象王峰蓮花峰

雲峰金沙河半月池諸勝

汾陽縣志薛頤嶺南瀾土人呼爲金沙河左右汾陽孝義

問之

汾州府志禹貢之文自西而盡於東故先壺口次梁岐次太原岳陽次覃懷次衡漳或舉山或舉地梁岐之西水歸於河梁岐之東水歸於汾此二山爲汾川以西羣山自北而南之脊舉之以見汾西河東其地就治岳陽在汾東沁西覃懷則沁東南南近河衡漳則水過漳而入河北注此數語冀州所宜治者全具於是又云胡牘明禹貢雖指閼百詩古文尙書疏證更申舊說以梁岐爲雍州山成謂蔡傳爲非失固在蔡氏不在晁以適蔡氏一引爾雅左氏穀梁證晉山宜屬冀州不知春秋晁自魯文公十年晉人伐秦取少梁梁山由是入晉迨後

三晉既分自河以西濱於洛猶屬魏地少梁之梁山實
河西大山故晉望祭之列國望祭山川及晉河東望祭
之山爾雅絕不一言而獨曰梁山晉望也正以河西近
秦故特言之成公五年梁山崩壅遏河三日不流晉侯
召伯宗而問焉皆非離石縣呂梁一引呂覽語出尸子
淮南鴻烈亦襲之所稱呂梁未盡雖後人失其所在而
離石縣之呂梁西距河百五十餘里隔越重山不濱於
河無事疏鑿也一引鄭道元水經注其本文云河水左
合一水出善無縣故城西南八十里西流歷於呂梁之
山而爲呂梁洪其巖層岫衍澗曲崖深巨石崇竦壁立
千仞河流激盪澎湃襄雷奔電洩震天動地昔呂梁
未闢河出孟門之上蓋大禹所闢以通河也司馬彪曰

呂梁在離石縣西於今縣西歷山尋河乃無邊岨至是爲河之巨嶮卽呂梁也在離石北以東可二百有餘里後人以保德州西天橋峽爲道元所謂呂梁就水經注自北而南之次考之地望適協其地有禹鑿之迹河自故東勝州境轉而西南流八十里至河曲縣西北轉而西流九十里逕天橋峽下至保德州西五十里折而南逕興縣西又南百七十里至臨縣界道元言呂梁洪在離石北以東可二百有餘里蓋據黃河至離石縣界爲言因西流乃轉南故曰以東其指天橋峽無疑司馬彪言呂梁在離石縣西者卽今永甯州東北之呂梁徒因離石縣有呂梁山而河行離石之西故云在縣西實未深考之言道元引而辨之則以離石西界河無邊岨故

溯流而上以求其地是道元以尸子呂覽淮南所言呂
梁不在離石而遠在其北也蔡氏援以證呂梁在離石
正與其說相刺謬一言岐山在介休縣取山海經狐岐
之山勝水出焉而東北流注於汾水綴其下又引酈道
元水經注按之本文乃云勝水西出狐岐之山東徑六
壁城南魏朝舊置六壁於其下防離石諸胡因爲大鎮
勝水又東合陽泉水又東逕中陽故城南又東合文水
文水又東南入於汾是山海經水經注之狐岐在今孝
義縣西宋熙甯五年省孝義入介休元祐元年復置孝
義至蔡氏時已爲空地無所廢置當據元祐以後言在
今汾州孝義縣不當據前此熙甯元豐十餘年間繫之
介休也若介休東南洪山俗以爲狐岐其泉源俗亦呼

爲勝水則又隔越汾水其下言今六壁城在勝水之側
實古河逕之險阨二山水所經治之所以開河道也
意以六壁爲防守西來渡河而東之津要不知北魏初
河東岸離石吐京之地萬山簇擁悉匈奴五部餘衆所
居憑恃山險未能卽平至狐岐以東汾川左右地勢平
坦連接太原本漢太原郡地故於此置六壁立爲鎮戍
以防狐岐以西黃河以東寇西距黃河三百餘里不可
謂河逕之險阨呂梁狐岐之西始爲今臨縣永甯甯鄉
山在三州縣之東而曰河水所經治之以開河道將置
此三州縣峻峰鉅嶺萬山簇擁者於何地乎

謹案西山之幹自赤洪嶺至狐岐南北直行一山盤
互狐岐之北爲黃楹嶺名見北史赤洪之南爲孝文

山名見唐志皆其脊也呂梁之稱於古無徵惟寰宇

記於定胡縣引冀州圖云湫水河從樓煩郡南入龍

泉郡經呂梁尸子云呂梁未闢河出孟門爲二紫淮

水經注並有此文作孟門之上爲二字似誤然河自

豈口懸流而下有石厓當其衝河岐爲二過此方合

世呼爲孟門山與呂梁在離石北以東可三十餘里

此文頗相符也

其說支離若以經呂梁者爲湫水則水不入龍泉郡

若指大河言則山又在離石東尋其地望乃今永甯

州東北之胡公山王象之輿地勝覽所謂離石山一

名胡公山又爲赤洪嶺者無呂梁之稱又去州三十

里亦與方志所云百三十里者不合大抵其山本沿

俗稱爲穀積亦書爲骨脊其音與狐岐相近而骨脊

之訓可通於呂梁說文呂骨脊也又後周置孟門關於定胡

適在離石之西將據以求呂梁所至而司馬彪之言已爲鄜注所駁不得不移西就東牽合於此也汾志乃與狐岐並舉力伸晁氏舊說證爲禹貢梁岐明知距河太遠禹力不及遂舍治河而專論形勢其疏證蔡氏書傳可云精詳而不知適形已說之僂漏也獨是蔡傳援引紕謬以博極羣書之王伯厚亦爲所欺百詩臚明雖斥其妄未發其覆而志一一條辨實足祛後人之惑可謂燦然於地形有功於經學矣

右汾川西山在汾州府汾陽孝義二縣境者

赤洪嶺之西爲湫水古陵水也北出合查山陽而南入磧口介乎湫水者爲臨縣之山嶺之南爲赤洪水世稱爲北川卽離石水也其東出孝文穀積諸山者爲東川南與富鄉水合

流而西入河是曰三川介乎三川者爲永甯之山甯鄉水出
狐岐山西折而北流至永甯南故亦稱南川介乎南川者爲
甯鄉之山此二縣一州皆古西河地隔越汾川其山盤踞而
西盡黃河之東岸而南與石樓山以土軍川水爲界

水經注河水又南陵水注之水出陵川北溪南逕其川西
轉入河河水又南得離石水口水出離石北山南流逕離
石縣故城西史記云秦昭王伐趙取離石者漢武帝元朔
二年封代共王子緡爲侯國後漢西河郡治也

隋書地理志離石郡太和縣有湫水

元和志甯鄉水在平夷縣西南一百五十步

寰宇記離石山今名赤洪嶺離石水今名赤洪水北從方
山界流入北齊高歡大破爾朱兆於赤洪嶺卽此水之岸

也

明史地理志永甯州東有穀積山下有石窟村東川河出焉北有赤堅嶺離石水出焉亦曰北川河合流注於大河汾州府志盤重原之西衍岡阜迤邐而南地名弓家灣狐岐山之正脊也左有澗東南由隰州入汾右有澗自遠望山東南麓而來西爲甯鄉水又南枝麓岐分而西者曰可寒堆卽遠望山也俗呼上殿山東北距孝義縣治百六十里自山而西北八十里至甯鄉縣治又云甯鄉石樓二縣山之正脊盤旋其東右枝岐分廻環北轉故二縣之水皆北流屈西以歸黃河蓋山勢使然也其在沁水之右者曰紫金山北起蔚汾水陰與興縣界迤邐而南至臨縣之積口沿河東岸及二百里西麓之谿澗四皆

入黃河東麓之谿澗三皆入涑水夾水之山因澗爲名其澗於臨縣城者曰鳳皇山曰龜山在縣城之南者曰佛崖曰三交山悉紫金山之東麓也

元和志臨泉水在縣北一百步縣因此水而名黃河在縣

北二十里案臨泉故城在今臨縣北五十里距黃河當百

突縣隋改太和縣則臨泉水卽隋志涑水爲突亦當在故

城又今與縣隋亦名臨泉唐改臨津由貞觀三年既改太

和爲臨泉故改舊臨泉爲臨津又於臨津置北和州以在

太和故城之北也其後廢州改臨津爲合河而臨泉縣如

故唐志別誤以二縣爲一實則合河在蔚汾水北臨泉在

涑水西相距尚百餘里也北史魏武定二年高歡襲山胡

分爲二道以附律金爲南道軍司由黃鵠嶺出歡自出北

道成亦洪巖會金於鳥突戍合擊破之其前歡感爾朱兆

妻子亦於鳥突戍密其地勢故當在臨泉故縣間矣

汾州府志紫金山東南距臨縣治四十里案與縣志紫

南九十里山勢嵯峨時有雲氣舊建聖水殿殿左右壁間有

穴二大纔容手相去二尺許西曰雨穴東曰風穴風穴
閉不敢啟雨穴值旱禱手探得水卽雨或偶探之時獲
水珠銅石諸物鳳凰山卽臨縣城所倚西山城跨其上
龜山在城西南一名長壽山鳳凰山之陽龜山之陰有
澗名牛澗二山之脈北連紫金山又縣南十里曰白弼
崖懸崖百尺上有佛宇縱橫三尺似墜書然志稱舊說
佛音弼爲佛盼佛時仔肩之佛縣南五十里曰三交南
山相傳北魏孝文帝過此見有異氣遂鑿斷來脈建廟
壓之時荆棘冑衣怒折其刺至今此地棘刺獨無句爲
異此二山皆在秋水之右臨縣續志紫金山自興縣發
脈懸崖入縣北間四渠西
分五澗旁出爲大肚山南連爲白虎堰穿峽出障特起
層巒北曰鳳凰山西曰龜山中隔牛澗縣治倚之而成
城焉由城而北曰麻峪曰萬安溝曰松峪曰窟頭溝皆
紫金山北條分支羣山環抱至秋河息脈山城而西曰連

珠山曰一步壩曰張陽嶺曰兔兒坡曰馬家窰皆紫金
山西從分文千峰並峙萬壑競流上接紅石灘下歷冠
房寨山等嶺巖巖怪怪子峪至黃河息脈又云紫金山
西麓分五瀾開十二官渡上至紅石灘人與縣界南連
五門入永甯州界計黃河行一百八十里
惟大同磧口爲水陸交衝之區縣之要津也

右西河以東湫水以西諸山在臨縣境者

其在湫水之左北出於赤洪嶺之陰者曰一箭嶺南出於赤
洪嶺之西者曰連枝山又南曰黃龍山曰漢高山曰雲山並
在臨縣界連枝山之南曰積翠山故方山縣所治也入永甯
之北川其南曰石門山曰馬頭山曰興雨山曰區斗山進而
西抵河岸曰南山故孟門縣所治也北臨湫水南循三川並
在永甯州界

金史地理志石州方山縣貞祐四年徙治於積翠山有方
山赤洪水

舊通志一箭嶺在臨縣東北百三十里靜樂界

汾州府志湫水之左爲赤洪嶺今呼赤堅嶺西南距臨

縣治七十里南距永甯州治二百二十里其北爲嵐縣

界

在嵐縣南

離石水所導源也離石水之右湫水之左

以南曰大小連枝山西距臨縣治七十里山下有澗名

喬子川西入湫水黃龍山西距縣治五十里有谿澗西

導者二入於湫水

案榆林水導源此山西流至縣城東北入湫水明史地理志載以當湫水

云入河舊通志誤爲出黃雲山

漢高山西北距縣治五十里山下有澗

名大峪水西入湫水山與永甯州接境南至州治百一

十里史記韓王信列傳高帝七年信亡走匈奴匈奴使

左右賢王將萬餘騎與漢兵戰漢大破之追至離石匈奴

奴復聚兵樓煩西北漢令車騎將軍擊破匈奴山上有

高帝廟下有祠曰仙姑祠相傳三宮嬪葬焉非所詳也

雲山西北距縣治三十餘里山下有洞名小峪水西入

湫水又縣東四十里曰中脚山產石炭縣東南八十里

曰招賢山有鐵冶產石炭土人造瓷器又有火山樊包

頭山並出石炭瓷器皆出離石水西湫水之左臨縣志

山北接一箭嶺中有周家溝為臨山後所地循周家溝

西下是木甯北川平曠百里後入縣界而洪高山特起

嶺自洪高而北翠峰迤上為中脚黃龍連枝赤洪合查

諸山迤入魏縣自洪高而南山勢嶺互表裏疊複南為

雲山東為曹家山又南為霍家嶺三交南山火山樊包

頭山下為黃山結氣分枝而為招賢之棲鳳臥虎石梯

至五門息脈積翠山南距永甯州百四十里今俗呼方

山頂馬頭山東南距州治三十里相傳晉豫州刺史祖

逸嘗駐軍此山有廟碑興雨山東南距州治二十里有

雲統是山則雨隨之其山三峰秀舉以狀類俗呼筆架

山屬斗山東距州治十五里山高插天旁有岩曰叶斗
岩其下泉名靈通月窟泉山上有舊寨廢址俗呼安國
王寨南山東距州百二十里山在故孟門縣之南其頂
有泉名靈泉高崇熙靈泉寺記云南山峰巒插天下臨
黃河有泉一道飛瀑山椒滌洞殿宇導流齋廚旱取水
禱之輒應金大定間於茲灌水入田嘉禾合穎馬岩山
東距州治百里又州北五十五里有石門版山崖壁陡
峻山半有穴如雨扇開闢狀州西二里曰虎山高百步
州西九十里曰八盤山皆在碓石水之西

右西河以東秋水赤洪水間諸山在臨縣永甯州
境者

其在赤洪水之左者即汾川西山也由孝文骨脊二山而下

縣互於永甯之東境有東川水導源劉王嶂接交城界川之北曰步佛山曰拓跋嶺曰寶壘山曰勒壘山曰伏慮山連麓而西以達於州城之北曰雲鳳山其東出之道爲吳城驛南通黃龍嶺接汾陽界有水合於東川水之南曰九鳳山循流而西以達於州城之南曰龍山當赤洪東川甯鄉三水之會唐書地理志平夷有孝文山案平夷今甯鄉去孝文山甚遠似別爲一山合河經問云隱者聚甯州交城並有孝文山興縣治見山下臨黃河人呼孝爲法呼文則史富亦謂交臨承之名共山也并汾間孝文則廟所在有之史臣謂生民所難行人倫之高迹帝嘉其之昔者帝嘗次龍石討叛部矣服而舍之寬而不其民得慶游以力田牧遠愛至今其言故以者其山者爲榮望也

晉州府志離石水之左曰步佛山南距州治百六十五里宋史王忠植傳云叛將趙維清執忠植械詣其右副元帥撒離曷不能屈使甲士引詣慶陽城下諭使降忠

植大呼曰我河東步佛山忠義人也爲金人所執使來

招降願將士勿負朝廷堅守城壁忠植卽死城下

案宋史誤

以忠植爲太行山人

孝文山有北魏孝文帝碑長丈餘廣五尺許

文字剝落呂梁山俗呼骨脊山鄙語云舊傳山半有蛤

蝨及繫舟鐵絙少東曰鐵鑄山舊傳有鐵環並非所詳

究也山有漢劉耽碑可辨者六十字言禹治水時事山

頂有小廟刻記至元年號

二山並界交城已詳前

自呂梁山迤而

東南曰劉王峴西少南距州百里高八里盤距二十二

里上有池曰飲馬潭劉淵都離石時嘗居此故名其左

右谿澗右澗爲州之東川入離石水以達河左澗入文

水以達汾自是而南左右汾陽永甯之間西山之正脊

也山脊之右曰拓跋嶺嶺西距州治七十里山下有泉

曰馬跑泉上有古冢相傳北魏孝文帝陵也無可證實
寶臺山西距州治六十里巉巖壁立亦呼尖山有巨室
袤丈餘狀類龜一人踐之則動衆相與踐之則否俗傳
以爲異勒臺山西南距州治四十里相傳石勒嘗屯兵
於此循山脊而南曰黃盧嶺西少北距州治百有餘里
伏盧山西距州治二十里五朝志修化縣有伏盧山是
也北周大象中置盧山縣因是山以名雲鳳山南距州
治二里高百步山有古墓相傳陳希夷墓非所詳究也
華山之希夷峽舊傳希夷葬處矣吳城驛水之左以南
曰九鳳山驛在州東九十里水出北山南流逕吳城西
又西至伏盧山東南會於東川東川水又西
逕州城北會西距州治五十里有石洞曰白馬洞入里
於譙石水許有獨木橋飛石燕直下有梯假仰旋轉而進忽寬廢

如屋怪石萬狀又進有圓石自頂倒懸去地三尺許名
石鐘擘之鏗然有聲又進得池二一色白曰白龍池一
黑如墨曰黑龍池又一池曰連華池頂上水滴垂垂而
下祈禱獲以入瓶輒應又進其穴九道歧分深不可測
相傳有白馬日食田禾逐之入洞蹤迹猶存殆如廣武
之馬蹶谷天馬徑矣古碑云九鳳山黃帝之別宮又一
碑云赤松子鍊丹之所非所詳也洞前爲唐貞觀中尉
暹敬德監造廟殿洞口時吐雲霧晉祖禱雨而應天福
元年詔封淵濟仙洞勅樞密使桑維翰書額山與望仙
坡對峙俗呼翰仙山掌相傳東萊韓中元往來是坡採
蒼朮黃精服之身輕龍山卽州治南山高一里山徑盤
紆下有神醫華陀廟其井泉名華君井病者祈禱取水

又州北百九十里曰龍慶山上有佛寺浮圖俗傳尉遲敬德所造呼爲尉遲塔州北百六十里曰三掌崖三峰插天明晉藩牧地在其下土人呼官地襄州北百二十五里曰銅柱山高千仞山半有湧泉上有寺名迎曦寺州北百一十里曰龍王山土人呼爲北頂有龍王廟州北百一十八里曰黑龍洞山有鉛礦上有黃帝廟州東北七十里曰龍神山多五色石質溫潤東北三十里曰胡公山皆在離石水之左州東南五十里曰尖陽山上立堡以備警山之東與甯鄉接界在縣東北三十里有泉西流入甯鄉水

右西河以東與汾川西山相連之山在永甯州境者

其在甯鄉水左右者山脈自水源逆折而北環甯鄉縣四境
山西山正脊南踰狐岐與蒲川北山橫連轉而東西行也曰
甯陽山曰蕉山曰柏窠山曰臥龍岡曰泉子山曰樓子臺曰
密蜂崖曰仙明山曰鳶嶺並在水東曰雲集嶺曰八道岡曰
車轍山曰車鳴峪曰避兵臺曰屏風山曰鳳凰山曰柏林山
曰石門山並在水西其北與永甯界者曰仙童山在赤洪水
陰南與石樓界者爲團圓山在土軍川陽皆西通河岸

汾州府志自黃植薛頡駟南其西麓至於甯鄉水東曰
甯陽山南距甯鄉縣治二十里俗呼朱店山縣境皆山
惟北抵永甯州爲平川是山乃諸水之屏障蕪山西距
縣治三十里山下有泉隱見不常值歲旱則大湧而出
縣境耕山爲田灌溉所不及惟恃雨澤故土人不樂是

泉通流柏窠山西距縣十里有二泉冬夏不增減清冽味甘可以已疾臥龍岡西距縣治一里山勢委婉舊時多林木泉子山西北距縣治三十里崖臨甯鄉水之阨有二泉自崖下湧出樓子臺山西北距縣治三十二里山勢昂峻望之若層樓然山有洞高八尺廣二丈深二十餘丈口劉公洞塑象洞內甯鄉水逕其西蜜蜂崖西北距縣治三十里壁立如削甯鄉水逕其下仙明山西北距縣治十里山下有洞深不可測曰仙明洞禱雨輒應焉嶺北距縣治二里俗呼虎頂山甯鄉水環繞其西而北又縣東六十里曰黑嶺縣東南十里曰百家峪縣東南三十五里曰黃蒿嶺皆在山脊之西甯鄉水之東甯鄉水之西曰雲集嶺北距縣治六十五里縣之鎮山

也八道岡東北距縣治五十五里循山之西谷至暖泉
鎮其東澗谷有泉流合車轍泉車轍山北距縣治三十
七里
有泉東入甯鄉水車鳴峪西北距縣治三十五里
有泉而微細合八道岡車轍山之泉入甯鄉水避兵臺
北距縣治四十里高千丈周盈三里一名沒虎臺下有
清泉石室屏風山北距縣治三十一里甯鄉水經其下
壁崖峭舉展舒如屏鳳凰山卽縣城所倚西山也跨山
爲城柏林山東距縣治九十里一名鳳翅山鏘溝鎮南
山也北臨澗水山多古柏石門山東北距縣治百四十
里黃河繞其西暖泉鎮之水逕其南仙童山在永甯州
境東北距州治四十餘里有石洞洞口廣丈餘少進旁
有一穴纔容身俯偃乃入復開敞內石牀一泉一甚清

列相傳昔時見童子晨樵采夕入是洞故山以名焉河
口之上有廟曰應雨龍山廟又縣南十里曰天原山縣
西南九十里曰寨溝山皆在甯鄉水之西黃河之東團
圓山東南距石樓縣治五十里太平寰宇記土軍故城
在山下案寰宇記山東西一百八里又云黃河北從石
州界下台吐京谷至上平關西流吐京谷卽土
軍川也上平關在石樓西北九十里當土軍水入河之
口而團圓山東西橫互實石樓以北甯鄉以南山之統
名也故舉
以爲界

右西河以東之山在甯鄉縣境者